



## 菓菓

舊年七月底徙來古坑鄉帶的時陣，無張無持去影著門口埕的散尾葵，樹身予菓菓的藤桪拋牢著，生甲不止仔濟的樹子仔像乒乓按呢吊佇枝尾的葉仔下面，看起來飽米飽米閣誠有身。我照往過佇淡水遐學來判斷公、母果的步數，倚佇馬椅頂，伸長手出力對桪尾遐共掣落來，才擲去塗跤兜，用脆力共擲落去，隨看著黃黃曲曲的樹子仔焮出來外口見人。遮正港是母穰！這聲拏著好空的，欲有透心涼的菓菓冰通食矣。

七月初五這工透早，天清甲揣無雲尪，刁工夯長梯疊跂，共散尾葵樹身的菓菓仔挽落來，隨粒子掣入去早都攢好的棺桶仔內，愈積愈濟湊甲強欲盤過。

菓菓豐收予我暢甲袂顧得。毋過，歹剃頭的是鉸斷蒂頭的切喙，會即時流規港的白奶出來，見著風就黏黏，比木匠咧用的「強力糊」閣較纏。若沐著手蹄仔，著愛用指頭仔搵水鑊甲半小死，肉攏紅起來猶清袂離，閣較免講是滴著衫仔褲，一搭一搭的烏跡，仙洗都袂清氣。

棺入來亭仔跤，逐粒攏破做四周，排起去早都攢便便，有拗墘的紙枋頂，一周一周相挨相映攏甲實插插，趁日頭當炎的時陣拏去樹籬仔頂曝。

連繼煎三工的菓菓子，外殼焦甲雙頭曲，內底的樹子仔攏鬆鬆、欲落仔欲落的時陣，就會使提湯匙仔共副起來。紙枋頂親像海砂仔的菓菓子著愛閣拏去曝甲真正焦離矣，才會使收入去玻璃罐仔園，聽候欲掣來食涼的時陣，就刮出來用冷滾水那浸那捏，閣愛出大力擱十分鐘，就規坵甘甘飴飴。繼落去園桌頂免提入去冰，差不多半點鐘就家己會堅凍。欲食的進前，先用菜刀輕輕仔劃予一角一角，摻糖水、檸檬汁恰冰角落去，著是熱人上退火的菓菓冰。

作者：藍春瑞

## ☆詞彙學習☆

【無張無持】bô-tiunn-bô-tî：突如其來

【散尾葵】suànn-bué-khuê：黃椰子，棕櫚科植物。

【菓菓】ò-giô：愛玉，桑科植物。

【飽米】pá-bí：成熟飽滿

【脆力】tshè-lát：瞬間用力

【焮】piak：迸裂；撐破

【這聲】tsit-siann：這下子

【疊跂】thiáp-kha：墊腳

【蒂頭】tì-thâu：果子與枝桪的連接處

【規港】kui-káng：流量豐富

【見著風】kinn-tiòh-hong：接觸到空氣

【半小死】puànn-sió-sí：半死

【拗墘】áu-kinn：摺邊

【相挨相映】sio-e-sio-kheh：很擁擠的樣子

【實插插】tsát-thóng-thóng：塞得很滿

【焦離】ta-lī：乾透了

【飴飴】khiū-khiū：食物軟而有彈性

【堅凍】kian-tàng：含有膠質的液體，冷卻後凝結成半固體。

【劃】liô：用刀裁、切割